

四庫全書

集部

欽定四庫全書

集部

御製詩四集卷一  
一至三

編修臣  
初喬齡覆校

總校官編修臣  
程嘉謨

欽定四庫全書

御製詩四集卷一

古今體一百十五首

壬辰

壬辰元旦

初日初春恰合宜  
敷天駢疊錫新禧  
蒞基三紀開一歲  
得衷六旬有一時  
望道依然懸未見  
垂衣敢曰貴無為  
魯論猶憶許平仲  
久而敬之念在茲

元旦試筆

金少府八  
卷一  
晰然旭彩耀晨光獻歲

慈寧長發祥懷任干逢夫振美蒼精序入節青陽久虞  
生懈勅宵旰食以為天課雨暘椒爵辛盤同日介

萱階眉壽祝無疆

六律調和開鳳紀一元旋轉運鴻鈞敬

天勤政勵初志圖易思艱恤小民億萬人增億萬壽泰  
平歲值泰平春綵牋試筆宜何句訓著文言在體仁

壬辰春帖子

綺甲轉新歲青寅值立春百昌逢七始萬福自駢臻  
五星會營室三等陟東堂頌頊肇元律撫辰敬益履  
迎氣送寒日並告對時育物志惟勤蘇家詩與辛家令  
未免詞鄰率易云

題鄒一桂歲朝圖

林下祝

釐來北京潞河舟遲

去聲

值新正閒居即景成圖獻老筆

傳神合句賡父子園鑪話卽序孫曾擊鼓開軒楹玉梅

天竺庭前聚與物皆春愜我情

臨蘇軾春帖子詞因成是詠

立春帖子進東坡副本澄心寫擘窠謝傳欲題太極榜  
獻之不肯意云何

東坡進春帖子詞雖夫人閣亦逮且自書副本贈客  
不害其為正人也晉書王獻之傳載謝安欲令其題  
太極殿榜而難言之乃漫為凌雲殿事試之獻之正  
色拒之遂不復强夫拂紙運筆自宜明窓淨几而鈎

募成榜與夫縛橙張掛乃屬工匠之事豈有令詞臣  
持筆硯登書之理而墨書亦不可經久也向曾作題  
榜行闢其謬茲因臨蘇帖輒復及之

詠白玉如意

和闐供歲貢製器玉工閑雖曰來之易能忘獲以艱新  
年符吉飛代語得心閒永願洗兵馬休言致白環

杜甫洗兵馬行云不知何國致白環寓識於頌自是  
用西王母事而續齊諧記乃云有黃衣童子自稱西

王母使者以白環四枚與楊寶云云夫虞舜之獻其實與否已不可知若楊寶之獲則重儻而並鄰於偽矣因用其事故並識之

新正齋居

元正昨纔過

大祀今將臨遷坐居齋宮精一勅寸心庶政雖云簡萬幾敢弗欽西川塵奏章丙夜問披衾首祚重

祈年臘雪積未深潤壑占三白

正月九宮三白  
在下農占易雪

望雲凜



難諶

命加賑去歲偏災各省貧民即事八韻

始和布令在勤民歎後黔黎視倍親肯以新年但言吉

而忘舊歲或遭貧畿南秋沴被尤劇

直隸去秋雨水稍大瀕河之宛平涿

州等十八州縣被災較重三河薊州等六州縣次之雖

疊經發帑出粟多方賑卹不致失所而新年賑期將滿待

哺尚殷因普

予加賑一月甘左旱荒積已頻

上年甘肅春夏短雨各屬被災輕重不同隨撥

運帑粟賑濟民賴全安幸秋收頗豐人無艱食惟河東

之安定靜寧六州縣地止一熟專待夏田餬口且當積

歉之後尤覺拮据命再

皖實五區靈潦逮

安徽之鳳陽泗州等五州

縣昨歲偶被偏災業予賑卹而受潦缺雨之區未能耕種秋麥今屆青黃不接口食無資並命加一月之賑

蘇惟九處大江瀕

江蘇一省去歲秋成豐稔惟瀕臨江海河湖之清河通州海門淮安等九州

縣廳衛各有成災之虞均經蠲賑施茲復命加賑一月使春無乏食

普教加賑匝一月

更與借資勅衆臣

各省勘不成災之地貧民有無力耕種者並令督撫等查明酌予借難以

資接濟

統計寰中無礙稔益廩隅向有逢屯所希十雨五

風協遍及高原下隰勻此望奢哉究難副郡辭乾惕萃

吾身

題漢玉穀壁

穀壁潤將盈周尺土華千載黷而澤粟文撫不留手跡  
執者為誰弗可覈欲擲之山誠覺惜况喻綏豐義堪繹  
諺曰人莫知苗碩頻繇有詠意無射

題邊鸞荆棘鵲圖

畫家繪鵲鵲率寓安淳意長史作此圖乃復具別義奔  
奔淺草坡喙啄戢其翅上有荆棘枝鉤屈多張刺乃知  
安與淳未免牽纏累精喻戒人深工妙誠餘事

降旨四川省供應兵過之各州縣緩征今歲錢糧

詩以誌事

昨歲輪蜀蜀正供今年仍命緩征農為因小醜忽謀逆

靡已大兵往討兇

小金川僧格桑以舊屬土司侵吞鄂克什明正之地督臣屢檄不悛是以分

路進討竟至抗我顏行今約咱班關碉塞已破達圍之團亦解乘此擣穴擒渠固可完局倘竄入金川不即遵諭縛獻勢必移師往征雖是軍需發國帑豈無力役藉民

從滇師並有加恩例

前年官兵赴滇一切俱發官帑所過州縣錢糧節次蠲緩並格外賜

銀以給夫役例不准開消者

肯致閭閻歎孔丘

詣齋宮作

歲蕤鳳輦迎黃道  
郅偁鷹旗出紫闥  
佳麗九衢正月景  
昇平百歲帝都春

天橋南畔坦郊披  
脈土猶看宿潤滋  
冬雪雖霑已逾月  
顯希春澤繼優施

虔瞻禮畢蒞齋宮  
十笏居仍憲紙紅  
四體周旋今昔異  
一心篤敬昔今同

祈穀禮成述事

作君所以育烝黎  
元日

月令元日祈穀注  
謂上辛郊祭也

祈年典敬稽辛卜金穰顯

錫穀丑成牛象利興犁

是日辛丑

苾芬薦潔陳青宇漚鬱升

薌起絳霓式禮趨蹌少殊昔畏心因是茲夔兮

詠古竹根筆筒

天地圓師嶰谷裁伶倫氏與一時裁管城肯受封羸代  
孤竹曾疑伴墨胎在硯以南不以北宜人其樸豈其才  
表鍾祇是兒孫輩作友墨壺幾朶梅

一字至七字詩

此雖非古體白樂天集中有之以題為韻因效其  
格作五倫詩其亦所以自儆也夫

君敬

天勤民所無逸難知人象若捧日德如望雲在衡齊七  
政典敎首五倫聰聰

祖考彞訓謹守禮樂淑身持盈保泰惟克已盱食宵衣  
要體仁

臣贊治佐君章五服欽四鄰予違汝弼魚與水親面從

古所戒私去忠則純勿欺也而犯之惟非齊亦有倫率  
作興事慎乃憲

天工時亮在安民

父為乾繼祖一家長諸子矩慈惠為教清白勉樹事君  
資同敬陟山悲何怙治義終以復始日嚴尊而弗嫗陳  
咸冷語觸萬年信過直躬益無取

子弄璋舉矢以天屬豈蛻委教護家事兼明政理黽勉  
繼箕裘朝夕奉甘旨仁輕等上於祖義重順下曰禰亦



云顯親為要哉詎止從令而已矣

夫宜爾刑于人倫始王化模以知能帥惟道可扶雖賤  
家為陽所倚室不孤易著乾元有序詩詠關雎無殊畫  
眉拜手則已甚正綱相德謂是乎

婦體齊化首四德教三從守和其妯娌學乎姑舅惟酒  
食是議無父母貽醜語言不出於相勸勉以貞納牖哲  
夫成城母或傾嘻嘻終吝義經剖

兄象震比肱事如父為先生陟岡瞻望吹埴和聲寬裕

以誨道慈愛見友情閤牆外猶禦侮它利怨斯可徵常  
棣有華在所率尺布之謠不可聽

弟後生欲悌因心友自家始李方難為弘微能爾以敬  
則擔金訓義如束韋叶五常有要宜哉一字曰恭而已  
司馬牛憂我獨無幾回欲廢斯章矣

朋講習彙征遠相致公同升西南則得賢能以興中鈞  
管鮑薦彈冠王貢稱小人暫為乃偽君子共濟實應清  
流東林斯過甚兩敗無補嗟明徵

友志同儒有莫逆心期白首並者取三者或稱九流言  
所不信素行永相守貴在道德以成鄙其利名互誘迭  
為賓主緬唐虞時勢弗同可效否

正月初六日重華宮恭侍

皇太后家宴

官家仍是說前家首祚承

歡莫此加階玉有蔭惟六葉蕊珠無樹不三花邨嬾繞  
膝曾元開共喜延

齡歲月賒一刻千金真在是春宵寧為賞燈華

題錢維城倣古冊

林塢幽居

山勢縈迴林塢幽結茅於世復何求樂饑箇裏宜誰是  
宜是薛方周黨流

春浦飛帆

山頂紅樓誰縱目飛帆歷歷見其間漫言此逸彼忙者  
下水順風想亦閒

遙峯塔影

山村水郭相迴薄林靄溪煙接鬱盤彷彿春朝過木瀆  
靈巖窄堵見雲端

溪橋策蹇

急流陡澗勢滔滔木架危橋窄且高不是王尊當叱馭  
何須驢背此擔勞

繡壁懸流

繡壁誰為雜組絲懸流素練就中披似嫌紫綠紛呈采

淘洗鉛華有藉斯

疊嶂虛亭

逕指萬松

田盤寺名

陟翠巒迴看崖頂一虛亭向遊景况分

明是祇覺移來滿幅青

荻洲遠翠

荻蘆花欲作蕭蕭翠色林巒尚見遙悟得苑先枯亦早

印須舟子任招招

晴虹跨澗

巨浦長槁界鏡空忽疑天際落晴虹  
箇間設使青蓮遇  
應獨臨風懷謝公

霜林絢錦

疊樹含霜深淺紅誰能尚錦問天公  
精藍却闢攢叢處  
不藉翻經悟色空

煙坡鴈起

石瀨沙坡煙欲消夜深飛鴈響嘹嘹  
底緣嬾向灘頭宿  
路指衡陽近不遙

松雲蕭寺

松矗雲頭雲脚松花宮靜鎖玉芙蓉  
空庭底事無僧侶  
閉戶安禪制毒龍

嵐墅瑤屏

墅似輞川客過橋幾曾裴迪致書招雪溪粉本從誰得

王維雪溪圖曾經董其昌鑒定  
今八名畫大觀冊弄畫禪室中  
峙背屏風展玉瑤

人日悅心殿

昨朝迎



慈豫今晨趨問

安退咨政以畢新正值餘閒人日當登臨瓊島此陟攀

朶殿棲崇椒春屏舞祥鸞絲管例弗舉

是日忌辰  
例不作樂

書史

良足觀理義實悅心子輿有名言

閱古樓

泐壁三希藏墨寶

三希堂法帖石  
版泐壁間因名

千秋書法至今垂誰

云過眼雲煙擬亦曰因心楷則知淳化精華斯數典

比歲

擇內府所藏淳化閣帖善本訂覈精審鈎摹入石就御  
園構軒泐石版於廊壁軒額即以淳化顏之寓意畧仿

金匱要略卷一  
古閱過庭撰述昔存規設如閱古鑒治亂在彼吾懷詎在茲

題鄰山書屋

假山久閱數百歲我亦烏知非有真遂向其陰構書屋  
宛如一晌結佳鄰開篇靜挹芸香古上牖明看樹影新  
即境對時何所託元為善長樂惟仁

古遺堂

巖畔小堂號古遺古人曾此賞宜思殷鑒不遠近在夏

景撫熙和敢即怡

道寧齋

春來何處識  
窻影漸低  
樵盆烘

去聲

一叢蕙階舒  
七葉蓂

祥占肇人日  
吉語貼椒屏  
多詠亦紛志  
詎為以道寧

朶雲亭

小亭一朶倚雲岑  
境若虛無望若深  
便是真看隣  
舊樹仍飛瓊島作春陰

漪瀾堂

漪瀾向所稱今日對冰凝豈弗孤名字奚妨偶俯憑  
紋原隱約鏡影益清澄比似動而定何如靜不興

畝鑑室口號

瀉水防冰露石底題檐名似類成孤雖然鑑有妍媸在  
豈若斯時並鑑無

題畫舫齋

冰牀艤閒岸畫舫到春齋舒疊氣方壺延清古與皆白  
餘瓦陰雪綠染砌陽芼何必言池凍原無放棹懷

古柯庭

古柯突兀謝輪囷生意原含不盡春小幅恰如張嬾瓚  
越疎淡處越精神

得性軒

性與已設二得性尚可云已與性設一云得已乃分已  
無已得理性有性益紛是則斯軒名樊然失繁文而吾  
更進之魯論具前聞克復一日間天下胥歸仁下學而  
上達亦藉功用勤

與曠室

迴廊繞數曲已覺與且過虛室剛三間又喜曠而豁逐境易其觀詎得謂明達所以窮理者去滯貴活脫室乃付不知名言等標末

鏡清齋

雖凍仍含照便風亦不波何須憶流盪耐可免傾頗陟想魚將負飛猶雁未過雪花拂並朗真覺勝荷摩

焙茶塢戲題

鴿炭鼎烹雪水龍團枕淪春芽即景謂能供奉焙茶豈  
是煎茶

韻琴齋

真瀑本不凍流卽分冬夏導高為假瀑冰則弗垂瀉斯  
齋臨石泉原屬相假借來源凝沍堅乳竇淙奚藉韻琴  
題簷額虛語徒成訝雖然更有進頗似陶潛舍

題澄性堂

曾聞告子曰人性譬猶水設遇凝凍時其言弗行矣書

堂俯冰池呈鏡光莫比乃知彼流動不如此安止或亦可喻性况復澄無滓

澹吟室

曲徑通幽精室尋既清以閔窈而深初韶未露一分意真箇今朝愜澹吟

清約池

小池無半畝春氣未融冰信是清而約故欣止且澄匪藏原謝鑿弗履邨言兢自有淵魚在應如入定僧



題居卽品茶圖用文徵明茶具十詠韻

茶塢

雲歸天池峯春暖虎邱塢茶事盛東南良時連穀雨林  
扉密疑闕巖徑細如縷白花似薔薇引人入幽迂

茶人

雖云六經捨却見爾雅中取橐固有時造化寧無功季  
疵開其端三吳傳斯風珍重圖裏人盧仝陸羽可能同

茶筍

崖洞非行鞭簇簇抽設長吐麤玉為朶佈氣蘭想香憶  
在龍井上親見傾筠筐汲泉便煮之底藉貢頭網

茶竈

巖阿矗蒼筤裁作貯薺煙粒含宿潤曉竈帶生翠傾  
則未覺盈攜之猶憐膩高詠夷中詩伊人豈無淚

茶舍

覆屋幾株松迎門數竿竹試問是何境九龍徑路熟豫  
遊春朝憶光陰流水逐偶展居節畫興飛惠山谷

茶竈

置處傳無突抱來喜有峯傍根堆碎石炊陁燃枯松辛  
苦那覺疲功夫不惜重安得逢髻神竈神也美女衰豔濃

茶焙

二尺鑿碧巖一方編綠竹漫煨瓊液乾不礙靈髓馥去

濕弗欲燥戒烈惟取燠花脯與杉林

花脯杉林皆焙名

可試雲

漿渥

茶鼎

聽松

菴名在惠山

傳樸製竹鼎，巧灰白肖之。不一尺，置傍幽

齋。壁高僧，緬逸韻雅人。試仙液，頗復有。傖父謂之遭水

厄。

茶甌

色擬雲一片，形似月滿魄。問斯造者誰？越人與邢客。落底葉瓣綠，浮上花乳白。何用謝堰垵，直可罷履屐。

煮茶

皮陸首倡和，清詞寄真靜。文翁繼其韻，契神非認影。居

節祇為圖

居節自識云衡山命和韻竊愧不文臨摹一過已不自量又何敢為貂尾之續然仍錄其

原唱興固不淺也

識高興亦永拈毫賡十章如置身其境

### 新正瀛臺

紫閣春筵待備陳  
趨臺憩賞啓韶新  
殿屏綵燕吟將嬾  
苑樹花梅望已頻  
也識土猶潤碁畧  
却嫌風每送魚鱗  
陰晴課量從頭切  
此責惟吾敢誣人

### 同豫軒

書軒耐可法經尋  
由豫勿疑朋盍簪  
最是子淵能注易

求賢說畫聖王心

寶月樓

兩層傑閣出城頭

樓在液池南岸倚皇城牆俯臨城外

春色皇州俯滿眸

素壁綵屏新換帖碧簷銀魄始垂鈎  
丹梯那似惠連陟玉斧何須吳質脩  
寶月名樓亦已久幾曾玩月一登樓

澄懷堂

時節自新歲琴書猶古堂澄懷真  
有在樂志永無央  
庭竹靜幽籟  
岳梅霏細香  
窓間低旭影  
却是始韶光

蘭室

每來書室愛盤桓  
詎必侈稱九畹觀  
試凭明窓探秘籍  
其香端覺勝於蘭

純一齋

義辭聞曰貞舜命舉惟精述古垂

明訓

齋名  
祖御筆也

皇

居今切反情守吾莊致說逐境鄭俞

曾評直內無過敬猶非啻力行

靜憩軒口號

瀟落文軒小坐宜  
循名因復一尋思  
惕乾寧可片時息  
至竟艱逢靜憩時

春耦齋

書齋古園內豐澤久名垂  
寧啻廬學圃兼當重務耔五

牛閱舊蹟

齋中彙藏韓混五牛圖及項聖謨蔣廷錫臨撫各本

一晌得新詩  
春耦

時雖未幽風句可思

植秀軒

高下植叢筠依依秀可親  
葉疎有好影節挺不凡神  
此



實醫俗物吾因懷作人根宜培雪厚綠玉覆田銀

題韻古堂

律呂相生貞起元古鐘十二月推援若詢及節應時句  
太族為宮徵旨存

千尺雪二首

取譬因之借雪名想當真雪並晶瑩是同是異難分別  
一例寒光淅瀝聲

篋弄名區四卷全寒山鼻祖可忘梅心希瑞葉落天上

金匱要略卷一  
豈祇量來尺計千

紫光閣賜宴外藩即席成什

祝起中和奏樂韻肆筵紫閣午曦明底須九撥遵朝典

惟是三巡聯衆情新附烏孫來北漠

土爾其特

舊班鴈僕熟

西瀛

回部

撫茲敢曰能開叛並切冰淵惕守成

重華宮茶宴廷臣及內廷翰林等題程榮耕織圖

聯句復成二首

紫光賜宴外藩迴茶宴重華此繼開思撫春牋抽乙乙

看蹲雪象色皚皚三清耐可淪瓷碗九醞何須酌蜃杯  
便擬玉堂成例事庶幾不啻頌揚材

莫舒八葉穀為辰屢省賡歌欽四鄰經歷事多翻畏事  
撫臨民久越憐民曰衣曰食足艱致惟織惟耕要最真  
考訂程圖重摹泐詎寧繪帙賞精神

耕織圖聯句

有序

學詩堂啓製題曾擅志新多稼軒開賡詠復諧振  
美爰自至前雪積告豐符汜勝祥占越茲歲旦春

逢得暖應東方吉卜顧念九歌之董勸匪衣食孰  
繫民艱而推六義之興觀維農桑尤覘政要用是圖  
披舊蹟因之句課新裁溯於潛樓令所權輿初聞  
宋代經儀甫程生為摹篆繼著元時乃頭銜賈署松  
年比荆舟而雌雄劍失伊尾跋真傳姚式方買櫝  
而大小珠還前浸種而後入倉足分炎帝遺書之  
訂始浴蠶而終翦帛堪永西陵別譜之垂矧

奎章重揭顏楣

宗風近仰而

寶翰久經泐版

祖澤長貽於馬轡列和篇以先知特闡周官典旨贍標  
誌字將本計兼賅漢詔全文今也鱗次緒函排四  
十五端之弓蟬連授簡叶七十二韻之吟倘臚荆  
楚歲時方言未脩如攷羸秦月令節候加詳各侔  
色以揣稱同就班而按部醕醕味出何殊九穗嘉  
禾軋軋絲抽不減三縑功璽豈似繇華間草木羣

芳得薦馨香真成本色大文章一切均叨被服盖辰  
詹八穀徵馮生長養之方舒而字押一先示當務  
勞徠之孔急從此風雲月露塵編綺語都捐庶幾  
訓詁典謨化宇淳風廣播予一人宵旰中之景物  
斯誠繪影繪聲爾百僚職司內之箴規尚克心藏  
心寫也哉

御製  
民為國本食民天布帛資衣並重旃首祚應塵耕織  
計

始和遍洽賦租蠲

恩旨普免天下正供輪  
年遍及至壬辰適屆全周間

闕感為盈寧切

堂陛情教喜起聯任養適占符歲美

臣高晉

元調最好報

春宣

今年元  
日立春

泰壇先甲

誠殷展

慈籙長庚

慶益縣吉旦宜人過翦綵

臣劉統

令辰戩穀稱分箋

重華宴接蓬瀛界太簇音諧角徵絃飲

德心難忘每飯

臣劉綸

幼農旨復示初筵

石渠奔溯於潛藁玉版摹成儀甫編粉本形容犁列次

臣官保

御製茅簷景狀儼陳前

圖起

韶時浸種黃盈麓春水生波綠

滿川

浸種

舉趾正當四之日

操蹄預祝萬斯年

耕

隔林聞扈侵晨超越叭鞭年冒



霧牽

肥

信手穩扶奚藉跋

臣于敏中

踈牙深剔詎留髻

秋

盤桓碾使泥勻膩歷碌移憑澤緩潺

碌磚

撒微麻

姑戲經宅

臣託庸

種侔雍伯佈藍田

布秋

雍根煉壤叢

叢蘊曝汁融膏絮絮填

淤陰

乍出針尖能刺毯

臣程景伊

便抽線脚罷鋪氊

拔秋

循畦擢刺蹲身數畫罨排科

布指駢

插秋

惡似穠惟抽楚楚

臣素爾訥

製懷新苗欲達芊芊

一耘

存良除莠功須進餉婦攜兒教

寓傳

二耘

壅籽更勤加一再

金史卷一百一十五  
藝文一  
詩  
蔣茶迭密中參連

三

鹿盧新斗輪河潤鴉尾銜車

匠岸翩

灌漑

汗笠雲蒸酬襪

臣王際華

腰鑱霜綻慰胝

胼刈

收

築將隙地平逾砥紮就崇墉近抵椽

登比屋場

韞輪衡對宇

臣福臨安

堆場稊積後增先

持總

中閨箕帚

爭揚袂下品批糠盡棄筌

簸揚

磨轉團團雷迅走

臣豐

昂額珠跳磊砢排低縣磬紛紛落磴喧梁廡撲撲驅

塵奪蜀湔

春雄

篩厯千巡誇白粲

臣蔡新

御製羅非隻目得紅蓮簾

倉囤一旦宛登矣辛苦三時豈

易馬

倉入

玉食敢忘已飢訓

以上耕圖

宵衣彌念婦功專

以下織圖

房星貽孕胗孚膜窓日涵暉脈

在泉

浴簾

輕翮徐捎霏墮屑

臣裘曰修

薄䟽微振輒浮綖

下劬因拭露乾方飼聽擬揮毫響雜蠕餽攤柘嬾

茹纔小困

臣觀保

蚊筐乏力已初眠

一眠

鶯啼任爾呼

慵起蝶夢闌渠卧又堅

二眠

那較海棠酣不足

臣倪承寬

恰隨人柳蹀堪憐

三眠

馬頭戢戢交差隊蟻陣離離

各比肩

分箔

戴勝降從徵夏令

臣奉寬

製御倉庚鳴解叶幽篇

采桑

蠶房疊置箔凡幾蟬首欣餐葉

以全大起火熱松明精揀擇

簇圍葉束競黃緣

捉績

寸施待吐思遼邈尺獲求伸

勢曲卷

上簇

黏處長絲矜十繭

臣周煌

焙餘斜旭掠三

甄

筴

回回結縛圓疑甕顆顆爬搜潔勝蠟

下簇

挑備

繅盆高等貯

臣錢維城

撥充泮統副材寡

揮繭

靈竒底美

樽棄遠藏卷良依梧井偏

客繭

漬鼎引端生繚繞

臣慶

桂援九繹緒費煩擱

繹絲

偶居漫配蛾眉子物化猶

遺羽蛻仙蠶南陌遵行閑娣似臣莊存興

製御西陵賽社薦牲牲祀對籌還自愁明滅掉簾寧辭屢

轉旋絲絲引直理繇慎如綽

同條共貫徑於弦經維輿軋軋鬆盤髻芋管纖纖

緊裹拳緯闔闔咸憑提綜剖臣汪廷瓊縱橫儘付擲梭穿

織葩攢順序枝承跗彩錯迴文璣運璿攀裂下鳴

機杼甫重臣謝量來裁尺熨尤平翦經營意匠稱

觀止彷彿神工逐境遷圖卷儷只今完

壁府

臣毛輝祖

贈單疇昔判珠淵暗門孰與蛇添足

劉松年居錢塘

之暗門時號暗門劉此二卷舊有松年款不知何人妄增

攜李徒標蟹半蹠

耕圖

卷有項元汴收藏諸印而織圖則無蓋此二圖早已離而為二矣

證印縑均仍蒼

萃

臣汪永錫

御製

衰池縹匹互鮮妍樓

璫

詩程

榮

畫跡雙絕舊詠新題

韻總沿正誤傳真重考訂

探原輯委彙陶甄稼多

軒北剛相映織貴

堂南致足詮

圖卷合弁於軒北即貴織山堂

藝苑披圖方幅肖

臣胡

高望

鏡齋延賞曲廊鐫

著明本計宸垂象

冊首御題藝陳本計四字

斟酌羣言宿麗躔代辨宋元

耕圖舊有紹興小璽亦後人妄加不知榮為元人耳

刪小璽

臣董誥

跋收姚趙表洪權

姚式跋云耕織圖二卷榮繪而篆之

趙子俊云每節小篆皆隨齋手題足為確証

珉兼風侯花翻錦

石刻兩廊各廿

四幅 搨捧霞紋翼安蟬

家法

耕織圖

聖祖仁皇帝時曾編繪  
御製題詠頒行

聖功誠合揆

臣李  
江度

帝歌臣拜倍抒虔貢鄉瑞溢吳都八徂隰嘉賡周頌千

既飽既溫臻既泰

臣王  
懿修

御製惟絲惟粟凜惟乾雕文農事傷斯盛纂組女紅害亦

然漢詔何曾弗熟讀施行未逮愧遷延

題鄒一桂畫冊

野薔薇蜜蜂



畜有家生必有野

如牛馬雞鴨之類皆然

豈其於卉獨無也薔薇

故是春園物山棘

薔薇一多山林

開花非借假艷質買笑雖不

同多刺勒人無殊者蜜蜂採蜜簇深叢自出自入紛攢

惹薔薇之刺蜂之螫兩無所施誰上下譬之小人忌君

子小人相處技胥捨畫者意亦寓是乎何其意外工描

寫

### 魚藻

魚藻魚藻潛躍由他正好徜徉喁浪依蒲成羣身處玉

壺壺玉壺玉小雅一篇曾讀

曲水新篁

新篁臨曲水春末夏初時風入斜橫影波含低重枝同  
盟度貞潔相答韻參差君子真有斐風人早詠詩

奇峯古磴

一峯戍削復玲瓏石磴梯雲有路通不肯尋常垂鐵索  
誰能容易遇佳洪

紫藤翠雀

便擬紫絲步障等閒春意難遮翠雀飛來枝上似將顏色相誇

拳石疎枝

石是雲林好竹還與可佳合作限時代訝此忘年偕

松巖帆影

我昔曾遊燕子磯一逕雲嵐入蕭寺雖云佛地無色界江影韶光淨明媚明媚韶光江影中內空外空內外空爾時有語著弗得但見東流衮衮吹長風長風衮衮吹

金史卷一百一十五  
卷一  
不已挈舟者復誰家子世上何人免苦辛咄哉未可輕  
笑彼

秋蟬螳螂荷葉柳枝

秋蟬掛柳枝螳螂跂荷葉一高與一下相去遠難接秋  
蟬無所慮飲露心自愜螳螂艱緣條昂首涎徒呷簡筆  
殊了了深意寓恰恰豈必蔡中郎聞琴返步履

白菜春筍

春雨好菜長筍抽尖摘青小嚼冰霜脆劇玉初嘗口齒

甘佳味竄江南

綠筠紅果

蕭颯綠筠幾個丁星紅果數枝色形已看恰匹氣味還  
覺相宜未擬棟梁負重寧同橘柚爭奇漫認不經意作  
或亦別有所思

瓶菊佛手

秘色淨瓶供養菊朶佛手擎之是何因果調御無語迦  
葉破顏如喫崖蜜甜徹中邊畫師繪形亦以指實色香

俱淨入寥天一

湖石蘿蔔

玲瓏湖石側冷觀土酥好一脆與一堅同韻風霜飽恰似墨玉山傍置紅瑪瑙

石梁雲堞

江城臨陡岸其下洪流駛太白早傳神佳景如畫裏石橋亘兩崖虹影波中委車馬去悠悠知伊何所求

柿子百合如意

柿子艷珊瑚百合攢球玉旁置銅如意青緡其首曲因  
名譬字取義巧百事同希如意好栽者培之傾覆之人  
願天從仍自討

介峯修葺

石非石筠即筠曰如幻又若真幻如非幻寧非主真若  
即真反即賓

雪磴晴窓

一夜飄雲落萬巒銀為世界頓殊觀雅欣滿谷當晨霽

金史卷一百一十五  
卷一  
無礙憑窓凌曉寒松籟有聲籠曲磴溪流不凍下平灘  
書披靜几堪紬繹底藉中宵映以看

詠宣德窯無當尊

製與商父乙尊頗同而兩端皆坦似橐盤畧如遵  
生八牋所云坐墩花囊者其中孔無底則又未盡  
合因以韓非語名之而系以詩

官汝之次稱宣成世代愈降製愈精輪輅拙巧迭變更  
欲返其初嗟孰能是器本擬尊壘瓶胡為無當水難盛



抑別具義得試評堂谿公對昭侯曾賤者瓦卮貴玉璵  
注漿漏或不可乘則用瓦矣玉在屏叶三復絜矩將毋  
驚瓷無款識留標名中含銅膽生綠青底書宣德貽大  
明相依表裏如弟兄閱數百歲猶聯并神物守之語信  
誠可以貯水簪羣英挾辭繹義靜六情

題和闐玉鏤九鶴鷄小屏

和闐玉河產瓊玖春秋包貢天閭走孕精育華土氣受  
較於炎漢歲應久相質製器施琢剖專諸巷益出妙手

蘇州

玉工多居專  
諸巷世其業

小屏砢砢拖巖阜翼翼穀穗易長畝圖以  
鶴鵲其數九飛鳴宿食無不有奔奔曲盡神情紐是具  
義焉忖知否賈長沙語熟讀口久安長治基業守其責  
仔肩在元后慎哉敢不孚盈缶工執藝諫吾所取詎曰一  
再珍瑤琇

賜大學士高晉回兩江總督任用去歲賜詩韻

昨年曾晤路旁迎

去春東巡高晉以江省封圻毘  
接奏請來迎還任時曾賜以詩

黃閣

旋除鑒素誠

四月內尹繼善大學士缺出中外殊難其  
選以高晉敬愿有年服官公正即為簡畀

仍兼節制兩江

適以潦淤萃畿輔

去秋近京積雨較多永定河及北運河並有漫溢之處應

通行相度修治高晉素諳河務經理詳慎特令

召來相

來京道便會同襄曰修及周元理悉心勘辦  
度議平成南人望汝還為快北闕惟茲別漫忤內外需材贊治理苦心簡任敢輕行

### 題憚壽平山水小冊

#### 柳汀閒泛

柳塘一艇泛澄空畫法真無遜惠崇

幀中自書撫惠崇法烏目却

稱不掩勁

見壽平自識語

猶存讓善古人風

古木昏鴉

霜落荒郊古木寒昏鴉繞樹亂飛攢幽人背看長空迴

畫於寒林鴉陣旁作  
一人踞地背觀之

邨肯閒情類阿瞞

丹臺積秀

迴絕塵寰擅地靈萬尋峯秀矗亭亭雲房邨藉安丹鼎  
凡骨於斯亦換青

疎林虛館

古屋竒峯淥水濱扶疎喬木間

去聲

修筠箇間合讀秋聲

賦自會歐陽言外神

浮嵐暖翠

日照高峯生紫翠  
滃濛雲氣出林關  
石渠妙蹟親相證  
黃公望浮嵐暖翠圖真蹟藏石渠寶笈上等壽平此幅即仿子久者神在離鈎三寸間

鈎巖瀉瀑

瀑瀉鈎巖態各奇  
琤琤戛玉兩能之  
依稀龍井西峯路  
往往相逢有若斯

洞庭秋色

三分綠葉一分紅賦意參軍想像中烏帽緋衣

畫中人設色如

是誰傲仕持竿閒泛鯉魚風

溪山深遠

雅人墨戲託泉林濃淡中分淺與深借問崇邱肥遯者可無惻隱濟時心

村岸艤舟

背山野墅面溪堂古木清音答翠篁岸繫小舟人不見欲令塵世姓名忘

高峯雲起

出岫濃雲掩翠微  
片時山雨冪林飛  
惟應樵子偏知候  
戴笠先從磻徑歸

御製詩四集卷一



欽定四庫全書

御製詩四集卷二

古今體一百五十八首

壬辰二

新正恭奉

皇太后幸圓明園即景成什

行慶開韶掖

輦應

萱闈福壽逐年增  
張燈樓閣從新闋  
入畫林嵐依舊仍

冰面雪痕纔薄委

昨日輕陰京師飄霰見雲氣逆北頗  
濃茲園中冰渚微有積雪然不成分

寸益切  
頭希

山眉雲氣復濃興希膏蕪望西川捷快賞煙花

又豈曾

### 題敦素堂

軒檻俯冰池一般鏡影披心無波瀾

去聲

想春在地天知

豈必華燈燦恒欣芸帙宜既云敦素好吟賞又奚為

### 虛明室

如水之虛如鏡明無心照物來呈泰山一指當前蔽

為是人多好惡情

養素書屋

書屋非稱華所稱窈而深插架有惇史置几有文琴琴  
音不解操史義原可尋千古治亂鑑敬怠分一心往來  
戒憧憧安和貴悃悃養素詮其要可以當銘箴

抱樸草堂

萬境從心生心亦借境託充拙緣朝市寥落因林壑御  
園多亭臺草堂斯偶作謝彼誇丹青愛茲饒淡泊抱樸

愜素懷可以讀書樂

清暉閣即景

春氣方煥沐春曦漸融怡庭芳蒔未得松樹羅前墀森  
森較昔長無改歲寒枝弄影上明窓灑然揚清暉亦堪  
娛景光古柯那可思

再題清暉閣四景

松雲樓

閣前隙地堆奇石恍是橫圖一卷披却覺勝於四家者

松雲朝暮罨樓時

露香齋

露雖一滴上通天澤物生香豈不然  
設使下帷譬董子著書姑舍是慙旃

涵德書屋

盆卉庭松寒暖別一般應候暢閭閻  
試看萬物涵春德敢不孜孜勵體仁

茹古堂

天人策語示要義行所知先尊所聞績學若非求切已  
便稱茹古亦徒云

題和闐玉子母龍盃

豈必黃金待揀沙和闐歲歲貢精華象龍圖出宋董氏

宋董羽有出  
山子母龍圖

為玉說傳荀九家不學而成無次第如磨

繼琢有增加試看頭角崢嶸處已似峯山欲戲拏

題宋元明名人畫冊

三竿日上閉僧廬萬樹寒侵罷亥墟底識羣峯當雪霽

橫題猶有瘦金書

右范寬羣峰雪霽

地行不識名和姓大似高陽一酒徒應是瑤臺仙宴罷  
淋漓襟袖尚模糊

右梁楷潑墨仙人

一拳之石幾葉竹空谷無人結契幽淡靄輕煙風入際  
聲相應復氣相求

右顧安拳石新篁

招提迢遞隱松岡落瀑為溪帶野塘蓄目濛濛生濕潤  
副名今見有睢陽

石朱德潤松岡雲瀑

層層仙觀倚堯峰煙意雲容汗漫濃自是地靈當致雨  
非關羽士善驅龍

石黃公望雨巖仙觀

近水茅齋倚石磯幽人蓑笠放船歸底須世上通名姓  
別號天隨是也非



右吳鎮溪流歸艇

槎枒古幹間新篁欲下金衣試弄簧寄語竹林戴處士  
雙柑斗酒正相當

右姚公綬竹樹春鶯

雲外流泉纔一綫落來千丈遂成川風篁之下品其韻  
時或相然時不然

右仇英竹下聽泉

灑灑芳蕤个个葉都於塵外挺仙姿閒中設復相求友

誰不云然契性宜

右文徵明蘭竹

行春橋畔治平寺  
蹊徑由來素所知  
却是春光經見慣  
颯然秋色見於斯

右文嘉石湖秋色

不凍吳江冬放船  
千峰晴雪一溪煙  
別開生面無梅朵  
知在山坳水曲邊

右陸治雪後訪梅

底須粉傅與青施興到幽香墨寫之恰似隱淪樂邱壑  
荒居粗服始相宜

右項元汴墨蘭

七寶刀

土爾扈特汗渥巴錫所貢也

舉族來王脫異疆解刀處用貢天闔雖殊乞伏銘建義  
雅是呼韓獻脫光琿琤銀花合六裏穀紉秋水正中藏  
例同武庫皮包耳何事於斯試銳鋌

銀削刀

土爾扈特親王策伯克多爾濟所進也

書刀古遺法烏孫何當有然彼亦有經削刻資工手羊

角為之室護以銀花釦內外映虛明芻芻簇雕鏤叶微

物表至誠邴論好與醜築氏謝成規牛家曾刪謬

叶合璧

事類載牛僧孺常用麥芒刀字有誤謬隨手刪割點定此刀小而銛亦猶麥芒之類也

昔為毳幕

珍今作柴凡友還擬問昆吾斯得所託否

新正萬壽山

遊趣節前暇尚饒好山二里況非遙湖因岸近影全入  
冰以春遲凍未消屏有綺錢貼椒壁鐙無銀燭綴蘭寮  
上元例懸燈率於白晝  
片刻來遊從未燃燭迤西望復興雲氣亟待祥雲洒  
慶霄

題樂壽堂

知樂仁者壽都於山水觀性情占動靜幾暇偶盤桓敢  
逞一心適惟座萬姓安柳稊將草紐春意露倪端

道存齋

嘔咐春意未昭蘓萬有從來生自無精一心傳不多子  
道存或亦在斯乎

玉瀾堂

俯冰無瀾意冰實水所成如何平浦上弗見紈縠生因  
悟凝渙間動靜理殊呈靜斯守一實動乃致萬形濔溪  
太極說其義誠至精

雲松巢

白雲山所出青雲松所覆真假象縱殊青白氣誠湊樸

斷樓其深間架無多構云巢實亦可謂居名未副設使  
重釀雪益嘉利耕耨

愛山樓

愛山即樂山率寓仁者意設使留意山毫釐千里異埭  
花尚未芳巖林亦待翳因之觀未形了識萬物備物我  
與天人咳之一仁字

小西泠口號

溪畔書齋偶憇停舉頭題額小西泠因之憶到孤山後

處士花今作麼馨

怡春堂有會

發生天之德和豫人之心天時與人事一氣通惛惛所  
以乾四德元善春斯臨對時育萬物豈弗開懷襟君子  
泰不驕雖怡敢忘欽

石舫三首

春山片刻起閒遊前俯冰湖凝

去聲

弗流漫擬木蘭遲礙

泛坐來石舫豈非舟



由來木石異浮沈  
浮可為舟沈弗任  
朱雀而今藏塢好  
青牛依舊漾波心

凍湖非漲亦非消  
開著篷窻望六橋  
借得玉泉塔影矗  
高峯南北豈其遙

味閒齋

每到山齋一味閒  
庭柯眄邨擬怡顏  
忽忽得句忙忙去  
亦不自知愧此閒

清可軒率題

迤邐轉山陰巖軒耐可尋屋中巖峭壁階下俯喬林且  
慢問芳意雅宜攄靜吟泐成新舊句孰是去來今

香品室

山勢一轉一奇室名越殊越趣祇覺花雨天霏那有維  
摩牀布且如非色是空何異開物成務偶因即景拈吟  
聊荅今年初句

綠畦亭

魚鱗俯瞰野村通蓄水園將資穡功雖是懷新時尚遠

幾多綠意在其中

恭奉

皇太后觀燈得句

愉色隄旁迢

鳳輿觀燈應節亦幾餘六旬子舍承

歡永

九袞親闈起數上聲初七字飄蕭垂繡弗千枝燦爛列金

篋

宮中堯舜瑤池母彤管何曾得並書

詠白玉雲龍如意

八卦乾為玉六爻均象龍他山資石錯出岫見雲從邨  
肯珊瑚擊堪欣聲氣逢固知如意好自度在嚴恭

上元前一日小宴親藩作

好樂無荒古訓留春堂綺宴節聊酬不堪白雪希彌野  
況值紅旗盼遞郵共喜珠相傳座上且遲火樹照墀頭  
踏歌懶詠燕公句邨是當年花萼樓

庚寅展宴時和親王預列是以即席

詩有介弟同庚亦六旬及張說詩佳  
首句陳之句今彈指兩載可勝感慨

### 上元燈詞

朝陰午重晚來晴燈放還看月映明都道今宵好節景  
可知望雪獨關情

森然火樹耀蒙昧煜爾銀花噴即皚北漠西瀛千萬里  
都因賀節按班來

萬條籌彩添無盡百琲珠光定復流隊隊仙人騎海鶴  
綿綿上

壽向西樓

烏斯藏使歲來常例許聯茵坐廣場堪布囊蘇共膜拜

達賴喇嘛之使曰堪布  
噶布倫等之使曰囊蘇分明示現寶燈王

金吾不禁踏燈歌春色皇州麗幾多為繾綣南經潦後  
茆簷此夕景如何

百技樓前供奉仍却教回部罷銅繩逞奇效悃漫失望

因戲傷人實不應

回部以銅繩技為最奇每呈藝必有  
厚賞去歲一人醉後登竿遂致顛仆

朕以因戲傷人不  
當命永禁此技

摻作漁陽金石音上元故事邨追尋胥靡不發明王夢  
北海調停費苦心

燈詞八首歷年同言志在茲不在工檢點恐防失重複  
忽忘長此竟安窮

上元後一日曲宴廷臣示志

上元翼日宴廷僚例事循行曲宴招卜晝原非卜夜此  
曰俞莫忘曰吁要笙歌醴齊陳嘉禮正大光明御燕朝  
思義顧名欽

聖訓

題額  
昔為御國

皇考御  
正殿

奉時行慶會春朝方殷汜勝占

三白懶聽霓裳滾六么蟋蟀鳴籠先

去聲

驚蟄

北小花園  
內侍能育

蟋蟀例於上元節  
宴陳設向曾有詩

蟾蜍守窟戀元宵載咨覬佩華纓侶

漫胡五風十雨調一歲茲當勤政始相將勗勗戒逍遙

再詠定窑瓷枕

哇哇如有聲曲盡小兒情入井匍匐異覆荷安貼平高

濂評雅合

濂著蓮生八箋自言得定  
窑哇哇枕與此形製悉合

蘇軾譬尤精夢旦

吾何敢宵衣置五更



孔子之歎蓋以不能行周公之道而已程朱之注乃  
以為盛時果于夢寐之間曾見之及老而衰遂不復  
見其然豈其然哉夫夢由心想其實幻境至人無夢  
且不必言怪力亂神夫子所不語夢而常見周公豈  
不近于四者乎今人于難行之事未逢之人率云不  
曾夢見夫子之歎亦如是而已語本平易何必穿鑿  
為奇且道不行乘桴浮于海是夫子誠欲浮海乎若  
以為果常夢見是子路之喜其不識聖人之意遠矣

因用其事故並識之

題錢維城山水花卉合冊

野橋溪閣

山定脈絡水水當骨格山氣求無一捨聲應有相關溪  
口支橋接岡腰架屋間寧須多綴景得句亦其間

紅梅金盞

漫誇紅萼百花魁看取黃英四季開恰似盤雕絳瑪瑙  
中擎定合置金杯

寒柯叢石

槎枒枝少葉安兀石餘苔苑意枯中具秀情雄裏該風  
聲應獨韻雪色許同皚幾個琅玕竹飄然共作陪

紅黃薔薇

猗風啼露若無力流韻飄香似有心設使麗娟持買笑  
紅綃端不勝黃金

遠浦歸帆

天末依稀見江邊倏忽來布帆風利矣船客意軒哉峯

影連空靜浦光通遠開傳巖可偶試邇易濟川材

高宗  
圖像

傳巖或當居民間時物色久屬特恐人望未厭託之夢  
賚所為神道設教其事究非顓俊之正效而行之實難  
向評通鑑輯覽及讀  
韓非子詩並及之

幽蘭紫簾

兩朵幽蘭王者香紫簾孃孃眉其旁薦蘿尚自施松柏  
斯有心哉寓意長

層巒雲鵲

蕙路遥隔世林闕深護雲兩峯從外抱一水自中分地

闢神仙境天歸鸞鶴羣佳茲應不出邠慮有遺文

紅黃杜鵑

春時爛漫艷東風不熟宛看火著叢設以得名溯原始  
了知黃者讓于紅

疊硿重巖

硿疊巖重處山菴水閣俱遊非紫爵者居必樂飢徒詎  
曰甘樵悴由來異路途淮南小山賦側席况殷吾

罌粟金雀

金少曰居今三  
卷二  
木本草苗各一枝天公賦物果無私滿罌恰好堆嘉粟  
金雀飛來欲啄時

秋林烟岫

木葉未全落山光欲淡時秋烟猶出谷漲水漸辭湄林  
屋稀中見岫嵐峭處披繇欽歐陽子得句定知誰

石榴梔子

綠葉枝頭綴絳囊林蘭一朶著其旁不嫌顏色輸鮮艷  
勝是分來此靜香

晴湖塔影

此地疑何地太湖分石湖楞伽隔雲外  
窄塔入波孤欲雨拂石燕衝煙起野鳬行  
春橋上路筇杖是誰扶

秋海棠玉簪

花紅香少白多香斟酌其間各取長  
却似唐宮誇麗質玉簪初試晚來粧

鐘聲松韻

招提依碧峯一徑入雲松謖韻常遮寺  
清聲還度鐘春

客成妙偈應答示真宗設自七條悟雲門或可逢

雲門  
偈禪

師語錄因聞鐘鳴乃云世界與  
麼廣濶為什麼鐘聲披七條

### 凌霄鳳仙

金縷絳萼態飄蕭不著花叢意獨超豈是世間凡鳥輩  
自應一舉必凌霄

### 扁舟携榼

山蒼林淡處村塢見偏稠却是遠塵市恰宜值素秋無  
人問曲徑有客泛扁舟携榼將何往想為物外遊



桂花翦秋紗

一枝金粟馥秋風秋色還看出漢宮

花譜一名漢宮秋色

設使天

香得佳句也應消受絳紗籠

山村訪友

東峴圍叢綠西崖得畝平  
澗溪分地界畧約接人行  
巢許朋兮友夷齊弟與兄  
相逢攜手話不繫世間情

福紫金背菊

稜稜一例傲霜花簇瓣  
繖英相映斜却訝柴桑伴  
隱者

金史四庫全書  
卷二  
如何金紫向人誇

水軒嘉蔭

喬木布嘉蔭水軒納好涼清聽入風簾澄照印波光落  
谷山嵐淡隔溪野約長未曾許人過容易見仙鄉

水仙貼梗海棠

水仙貼梗兩相依一以妍姿一靜菲設古人中尋姓氏  
處妃本瘦玉環肥

柳坡漁舍

岸柳颺溪風溪波渺接空誅茅結屋矮夾箬覆舟同時  
泛滄江去或歸漁舍中尋常人豈是疑是陸龜蒙

蠟梅山榭

各種芳菲都合撰諸家山水亦兼奇伊人定熟龍門傳  
蠟鳳茶甌構思時

新正含經堂

後廊改置軒緣藏摹帖版前堂則依舊含經趣無限帖  
豈外乎經理得在易簡苟非枕肱茲工書亦何善新正

幾務閒篇籍于焉展設以驗力行惟亦增面報

淳化軒

若翼敞軒楹明窓几席清寧惟展古帖藉以繕今情庭  
樹芳歲幹盆梅馥滿英華鐙懸應節所慙去聲是循名

理心樓口號

屋裏無妨置小樓非圖縱望望圖收箇中轉語如何說  
千里原從方寸求

新賞室

替通氣漸融和藹春將盎幾務有餘閒憑攬探機象柳  
烟柔帶金草芽茁刺壤萬物樂生意閭閻供新賞吾民  
或失所可不怵然想

再題安瀾園十詠

芥經館

古今無萬芥經人誰識其中氣味真以此披芸恒自媿  
媿乎言行未臻淳

四宜書屋

御園小景寫隅園書屋閒來書偶翻恰是南巡江浙典  
民情親切永心存

無邊風月之閣

風自清而月自白閣臨冰沼印空澄無邊佳趣于斯會  
應節何須更放燈

涵秋堂

鏡光一片白皚皚虛室空涵萬象該即看水凝會水化  
當知春必有秋來

遠秀山房

幾株喬幹影飄蕭一帶西山近可招  
恰似倪迂張小燈  
秀餐無盡遠非遙

染霞樓

霞豈無端染以色樓非有所受之情  
拈毫不覺灑然笑  
總是由人浪與名

綠帷舫

舫肖室為室肖舫世間名象定何曾  
一從歐米羶薌後

紛矣奚妨復爾仍

飛睇亭

頗學陳家列假山山巔亭笠俯孱顏設云飛睇於何處  
祇在鹽官左右間

煙月清真樓

春煙春月滿春樓清到極真弗藉修火樹銀花雖亦好  
質之兩字那無羞

采芳洲



不設窗櫺敞檻檻冰光一畝鑑平鋪臨洲漫惜無芳采  
有采應知芳落無

鳴鑼行

鳴鑼早晚時有定一處鳴鑼五處應御園縱橫無三里  
一已遍聞五何倩司房帖傳掌儀司始自何年艱究竟  
幼熟聞之今亦然放燈收燈藉傳令旬旬鞮鞫卮厭喧  
事好張大習成性類乎斯者難婁數上聲弗勝其去斯猶  
利非甚礙戒甚疾惡況因華節姑且聽雖然懼亦即在

金文曰卷之三  
卷二  
茲少弗慎焉弊將盛

題鄒一桂雪景

齋宮逢夜雪先節果稱佳適值來林下因教寫景諧自  
緣耽筆墨詎是強差排祝爾身康健重登白玉階

做柯九思筆寫竹一枝賜鄒一桂並成是什

山水蒼渾花卉鮮畫師孰與爾齊肩聊因寫竹開生面  
恰似來京晤老年不側出看技特挺惟中虛故節常堅  
白家記

白居易養竹記稱竹似賢人其本固性直心空節堅云云與柯家法在我無

非屬偶然

燕九日作

節事七朝今日收一彈指頃迅過眸都稱火樹銀花快  
誰識望雲思雪愁祇覺民艱那覺樂知無仙分去聲故無

求邇來倍有關心者賊境將臨盼捷郵

時官兵征勦小金川西路大學

士副將軍溫福已由斯底葉安圍攻資哩南路四川總督桂林亦自卡了攻得噶爾金計離美諾賊巢皆不過五六十里而陝甘貴州所調之兵節次可到佇望兩軍尅日會合縛前歲事

詠周從鐘

姪代範金模名猶傳子蘇勒銘永保享

見鐘銘語

出土久模

糊奚用稱珍也由來視此夫設因從繹義說訓語殷吾

### 和闐採玉

和闐採玉春秋貢小者璵包大舉送置郵互遞其事常

亦豈役民致勞衆玉河富產瓊瑤瑛于思掇取久慣經

了知非自璞中出空傳則足泣楚廷

傳記卞和獻玉事以玉在璞中包孕

未剖人不知其為玉以致則足若今和闐之玉產自河中回人皆能取之且可預定玉質之高下並無別有石璞包其外人不  
易知也向作和闐採玉行是以有何曾璞裏之之句獲玉有賚空弗罰賚

以米布用靡詘何有徵丁采藍溪樂府三歎韋應物米  
布原非金帛偶以此纏頭頗竊取大者固難小易藏蘇  
揚市鬻翻多有回城採玉取其歲充職貢不過賜以米  
布酬勞今南中玉肆所在率多精瑯一  
望知為和闐之產可見回人及往來市  
會徇利透漏然仍流通中華可聽之耳利之所在計所  
工奚必一一嚴究窮製器仍或歸天府擲山不同中之

同

題王淵寫生用劉體仁諸人分賦詩韻

一月印千江千江一月影曰是已落非雖寒却弗冷水

掬即還離風吹散復整云何以言詮妙在虛無境

右劉體仁詠水月

不託小山託秋渚  
淡靄輕煙自吞吐  
無根恰合月中生  
吳剛那問園與圃  
影籠瑤殿七寶裘  
香拂舞袖霓裳羽  
皐塗天竺漫區分  
總一淨明廣寒宇

右高層雲詠桂

煙波慣與作茫茫  
風想輕盈月想光  
怪底寫生傳若水  
由來寓意不離方

右潘耒詠蘆

秋色入池塘  
蓼花粲沙渚  
燥燥不禁風  
離離如泣雨  
蓮朵已難同  
蘆穗還堪侶  
垂岸非江蘼  
盈把誰汝佇

右查慎行詠蓼

點點委浪萍  
浮浮貼水青  
生來弗著地  
飄去不離莖  
淺亦無慮膠  
去聲漲亦與之平  
許渾喻波上  
世態何重輕

右魏坤詠萍

明是雙鴛認花鴨

題作花鴨淵  
畫寔鴛鴦耳

應愛杜詩特臻妙

杜甫  
有花

鴨  
詩雖然名相屬人為秋水寧知分別照

石宋至詠花鴨

恒春圃

何處識春工圃恒十笏中無多栽蒔費不斷麝蘭風生  
意四時具韶光一室融養培方寸地亦欲此相同

澹然書屋

鋪池冰鑒澹如何別解得於此偶過一節似猶傲乎水  
因風那免作微波



深寧堂

開鏡俯流水展屏背假山讀詩求性樂玩易勉邪閑元  
夕昨方過萬幾此值閒深寧願寰宇詎止一堂間

鏡水齋

撲齋近臨沼上下總含空印月寧嫌凍不波邴磻風宜  
吟真是趣付物祇由公誰曰無於水於民此正同

寫鏡亭口號

冰鏡較於水鏡殊弗流盪此鎮平鋪德操設遇孔平仲

團團冰鏡  
孔平仲語  
定覺龐公品藻輸

陶嘉書屋

書屋非華屋清邀亦偶邀  
几間招石友戶外聽松濤  
信可傲三島何須問六鰲  
春嘉消息露天地有甄陶

益思堂

盆梅初弗藉東風  
映座枝頭三兩紅  
恰似青韶方燠沐  
益人思在不言中

豁如室

面前羅假山山上植真樹樹葉未生時遠近畢呈露  
如茲稱去聲名縱目無遮顧目遮猶易祛心遮實難除何  
以使弗遮無私大公付

題方琮山水畫二首

春溪澹沲

春柳似生煙春溪可漾船槎頭漁父得牛背牧僮眠綠  
嫩林如滴紅酣花欲燃趙家法不一此是大年傳

秋林蕭瑟

萬巘金巔入千林霜信通欲疎枝戀葉關色綠輸紅飛閣俯流水敞軒仰淨空雖云各適適却是不同同

難易言二首效韋應物體

一絲欲引千鈞重螳螂怒臂當車勇百人作之衣一人  
一人耕之十食奉未若量材授職時惟帝其難心惕悚

右難言

下水行舟且順風降山就原兼得輿庖丁解牛文惠側  
象罔得珠崑崙墟未若唯言莫予違失之甚易禍豈祛

右易言

如其善而莫之違不亦善乎此聖人善善欲長之意  
以予觀之為君者即所言是而同聲頌揚亦足長驕  
惟有謹言慎令是則從而行之否則諫而改之或庶  
幾其免過而已

詠痕都斯坦玉盃

製出月邦貢來葱嶺撫碧琳之溫潤  
奪芳艾之葳蕤腴琢連城閭闔宜承晞  
露花開四照善卷正艷

秋陽惟置孟取義乎益安而銘器寓懷於非寶

四出形如秋海棠葉翻雙耳執承漿瓊英那許熏池守  
垂草當生教岸陽冷語譁囂漫致誚溫容湯穆自含光  
泰西製豈能知古喻水休論圓與方

命加賑山東上年偏灾州縣詩以誌事

省歲詢方伯新春脩施惠

每冬月降旨各省督撫有被灾應加賑者預奏以便新春

施惠惟是塵民瘼率以成常例上年秋霖盛山左偏灾暨

其時降旨問布政適署事祗稱借籽種無煩加賑費

護撫

海成奏夏一隅偏灾可以無庸再行議加青  
黃不接時耕作或須借種臨時另行請旨 撫臣茲親

察請加奏章至聞善不宿停恩綸立頒畀凡十九州縣

一月均優賜

前據海成奏故新正加賑之旨未及山東  
茲據撫臣徐績奏體察恩城等偏灾地方

借種雖給春耕口食尚形竭  
賑因降旨再予加賑一月

新澤我弗為安辦爾加意

設使重勘驗諱灾有必致吾民其誰救慎哉牧民吏

### 新春萬壽山二首

節後餘清暇山園試一遊春雲纔出谷新水已勝舟陽  
巖蕪苗吐曲隄柳線柔時光不相讓何以惜陰流

冰解春湖濶山光映水光都堪體仁智邨在賞芬芳地

迴暄猶嫩林稀景弗藏煙村遙入望可果足填倉

是日正月

廿五俗謂填倉節

### 安河豐益倉

安河通清河昔留運糧蹟因之建有倉其名曰豐益月

米資旗兵

倉建于雍正年間圓明園附近所駐西四旗及健銳營月需兵糧俱於此支領以省兵丁

往京運費施恩非常格歲久漸淤壅罷船緣水窄遵陸車代

船亦未誤仰食水陸雖無異淤壅豈長策庚辛秋霖盛



遂致有潦迫疏通防其後一勞逸庶獲陸運則仍舊習  
慣弗更易山高河在下倉原見河側餘三非所云意不  
為蓄積

再題惠山園八景

載時堂

節前一至茲節後景十日餘覺改觀因憶分陰惜開府  
惜猶容易駐應難

墨妙軒

壁間名蹟藏石版淳化重摹復例斯不覺踉蹌還一笑  
迄今宋石屬何誰

就雲樓

就雲昨歲太殷勤漲至樓腰痕有紋此日望雲思作雪  
呼偏不就不曾聞

澹碧齋

魚陟負冰冰已蘇依然新水滿平湖一泓澹碧齋前漾  
無忽有還有若無

水樂亭

洗盡塵音契太空作於流盪激揚中  
凭欄祇合忘聽者  
不與五聲六律同

知魚橋

曲折石橋俯碧漪  
唼啜春水出魚兒  
却嗤莊惠特多事  
何必辨知與不知

尋詩徑

詭石叢間有路通  
尋幽得句不期工  
司空廿四品如較

祇在清奇委曲中

涵光洞

窓開玉女朗青天  
牕中含光皎然  
近似樓西燈未上  
一輪升月正團圓

長春仙館疊舊作韻

乘春慶節侍

思齋半月燈筵度  
已皆清道又將返

芝輦前園

暢春園在南  
因謂之前園  
恒以奉

萱階開餘眼界豁塵境靜裏心芽茁道芽愛日不知何  
所託詎寧王謝互言懷

詣暢春園問

皇太后安遂還宮齋戒之作

昨朝送

駕暢春返詢

豫還宮齋致虔原是向年行慣例邇來祇覺意拳然

九宮三白都居下其雪頻占望竟虛

正月三白落下為  
易雷之占彌月竟

望孤郊外黍芽猶待潤輕輿憑覽益怍如

高梁橋畔倚虹堂丹雘輝煌照水光

八袞昨年此

升輦更希慶典數上聲無央

二月朔日齋居作

祈

社候將臨齋居值養心

殿名還宮恒所御以非  
郊祭例即此齋居非

郊弗遷座亦

祀敢忘欽閒味芸編趣靜聽蓮漏音春雲方集霰凝望  
轉難禁

文伯仁研山山房圖

山水清音處幽人結隱寮無僮閑洞戶有鶴守塘橋獨  
坐溪亭上遐思太古遙誰知隔谷口還復客來招

詠古玉章

古玉舊雕鏤賢人四十收

內府舊藏古玉章甚多卷徵之秦漢印統此四十方見於

印統者四之三其未經錄入者四之一自係當日搜羅未備而玉質粹美古澤盎然知為秦漢間物因同篋弄

裴畧仿劉昭禹所云五蘭臺名半合柳氏製全留鈕式  
言詩如四十賢人之意

雖微異篆章實盡侔

印統所載諸章雖鈕製微有不同而篆文則悉相合固不必泥形式之

方圖大小概與如將較分寸是謂刻舟求

李迪春園遊騎

春郊遊罷轉春園園吏何之犬候門童子前行不秉燭

愛他月影照牆垣

石欄詰曲月昏黃細艸如茵控驢蹠蹠四蹄行欲慢

錦韞也惜染梅香



晴

花栽六出已紛披  
過午雲開晁露曦  
了識為時原可待  
邇堪將得更愆期  
侵肌新冷因何劇  
他處曾霑亦未知  
誰曰齋居幾務簡  
祈農一念刻難遺

仲春祭

社稷壇禮成誌事

明

裡已隔春  
昨歲適東巡  
式禮

方壇肅秉誠一念純敢辭年漸長敬識祭當親時澤祈  
靈錫優膏利早昀

淑清院

步輦循東岸牆門近以便假山羅古柏是為淑清院每  
來必先至每至必息宴寧惟名義佳真覺精神忤春意  
淑而清豈在芳華燦

題素尚齋

太湖石堆山久假真成古松柏幾百年徑曲籠巖阻尋

勝造巖齋寧辭勞步武濟勝亦在茲素尚投水乳志恬  
趣斯永拈毫無藻語

賓竹室

如簣庭前猗翠筠聲彈清瑟影龍鱗若論有節方君子  
可不延為座上賓

鑑古堂

架間插縹緗鑑古得名堂詎止資博覽於焉示大防沈  
思方識趣切已益知覆獨是少餘暇無能枕肸長

懷遠齋

方寸不為小萬里詎云遙何須稱芥納至理原自昭書  
齋纔幾楹寰區量可包懷遠向所題非為去聲攬景掠百  
世籌永圖兆姓思艱勞循名欲責實吾寧徒遊遨

虛白室

石笏叢中文室幽紙窗棐几小憑遊擬詢莊叟知虛白  
何事南華有語留

惇叙殿有感

殿本名純一齋以宴宗室於此移其額於西室而名此

丙寅此開宴舊殿易新名敬述

皇祖事用聯九族情堯親思典載禹拜緬謨誠欲再不

忍舉其如多變更

朕叔輩及兩弟皆即世故不忍重舉是典

題澄懷堂

祭罷更衣取路便南臺一帶小留連曉餐後閱奏章屢

軍務選籌引席前

是日御此堂召軍機大臣降旨勅金川軍務

堂曰澄懷澄

宣易心期勵政勵無偏首春覲眼仲春至並切時膏潤大

田

遐矚樓口號

拾級高樓體似騫騁懷遊目愴然存金川擘畫方縈念  
遐矚由來宣易言

純一齋

書齋額純一其義當三復一乃無雜念純則鮮私欲往  
來苟憧憧朋從斯隱伏已躬且難修民物其奚牧

至訓示意深

題額  
祖御筆也

皇

恒恐斯言辱

聽鴻樓

春波融太液迴鴈正高飛落浦琴攬驛

琴譜有平沙落雁之曲

書

空宇是非餘音鳴未斷傾耳聽猶微來往寧辭屢天行  
早識幾

過御河橋遂至悅心殿

歲祭猶當居禁林經筵明日仲春臨御園旋蹕浴

安適一宿先馳

膝下心

幾政疇咨暇有餘液池西岸度輕輿冰消春水呈溶漪  
鳬雁乘波樂莫如

迤邐金鰲玉竦橋

御河橋兩岸  
牌坊扁名

向東北轉路非遙至元

萬歲明瓊島名異山同秀相

入聲招

喬柯低幹鬱林岑巖殿軒戺憇悅心雖是悅心寧易  
悅正當即景盼春陰

蟠青室



戶外豈無山四時色弗同  
室裏包石磴蟠青恒在中  
巖底藉多磊砢趣不窮  
洗心退藏密義經示貫通

古遺堂

山陽迤邐到山陰石洞吟呀步入深  
理境由來鮮窮盡古堂宛在閔嶽岑  
竒幽未許畫圖續至靜雅宜詩句吟  
豈不元明閱風月竭思遺者一關心

巢雲室

春陰瓊島久傳景樸室巢雲新與名  
寧不重儔襲舊典

為希庸寸利春耕數峯纔畧看如晦幾片旋飛復放晴  
將謂豫遊適清暇無端惹緒越怍怍

微雪

二月初三日

卓午始生雲傍晚乃霏雪適來遊瓊島春陰誠應節時  
疎復時密翦水花聯綴初猶融入地漸遂積成屑夜衾  
不忍眠問至二更徹旋報同雲散寸餘鋪素潔人稱

貯嚮昭

是日祭社稷壇

我益慚惶切

御製詩四集卷二

欽定四庫全書

御製詩四集卷三

古今體一百四十五首

壬辰三

春仲經筵

撰良廣殿御光春記語易文衍繹頻欲擬漸摩先率性

以言輔相輒憂民

是日進講中庸修道之謂教易經輔相天地之宜

惜陰強勉

功不息隔歲親行日又新

庚寅御經筵後惟辛卯春以恭奉皇太后東巡舉行

暫隔一年敢謂長

上聲

年疎典學衛公抑戒義猶醇

經筵畢遂迴御園恭問

皇太后安郊外攬景之作

經筵禮畢切詢

安郊外春光次第看嫩綠迴甍畦畔茁輕黃染柳路傍攢  
霽開西嶺浮煙景素積青郊釀薄寒潤則不無霑則  
欠祇因生惜那因歡

御園泛舟

四日彤宮宿一泓春水開輕輿駐岸側畫舫候河隈鳧

鴈浮波漾樓臺倒影來時光真不讓忼惘若為哉

蓬島瑤臺

蓬島瑤臺福海中

蓬島瑤臺圓明園四十景之一福海亦舊名也

往來祇藉舟

相通昨近冰脆魚陟負陀床弗可舟艱衝還宮四日倏

瞥眼再來春水呈溶溶鳴榔直到鏡中閣

臺南門也

迴看畫

舫浮雲空若臺若榭皆熟境庭松峙翠盆花紅不如可

望不可即引人企思翻無窮

暢襟樓

拾級上書樓新波眼底浮出猶勒蒲芷浴已下鳬鷗菱  
格斜窻展柳絲遠岸柔須臾襟暢耳難忘是先憂

熙春園

複道過樓門熙春別一園韶開新景鬢歲久古柯存蟻  
蝶飛知候莓苔吐趁暄每來瞻

聖藻

園中軒堂有  
皇祖御筆

垂訓示心源

松簧館

蓋影陰森覆綺寮無風亦颯颯蕭蕭我來聽與他人異  
曰在徵招與角招

德生軒

羲經稱大德生物始惟春一氣流行貫四時來往循芳  
菲雖有待橐籥被無垠切已於何在勗哉守位仁

對雲樓

松鬱蒼雲雲對樓不風恒自謾颼颼分明四季常拾級  
據榻居然有獨秋

藻德居

軒榭近臨池，渌然水監披。案牘雖未飾，斧藻可因思。其必在德矣，吾惟是勉之。如何柳子厚，祇識要修辭。

竹淨室

倚檻真看竹，淨時葉黃颯。沓欲辭枝，江南春筍恰來貢。地道有宜有不宜。

迴如園題敦素堂

迴輿咫尺即如園，喜有書堂池上存。凍解平鋪新水碧。



波搖返照旅楹翻辭窻樹影陰猶惜歌案芸編古尚論  
融互雖看形色異誠然於素總相敦

靜虛齋

溫暾旭影護明窻放蓋盆梅馥古檣領妙無過虛且靜  
憧憧到此亦應降

明漪樓即景

猶思前月一憑臨冰鏡呈來波影沈亦自皎然堪悅目  
所嫌疑若鮮開襟心澄何必不波好景謚偏宜有象尋

恰似收將詩趣在分明今日待攄吟

挹泉榭

高流引牆外出峽便如泉乳竇明知假珠簾宛看懸回  
回紫榭畔落落歷窻前一切惟名象挹斯契幻然

晴望樓口號

前朝微雪先微雨今日忽陰時忽晴偶上高樓聊縱望  
並無佳緒祇怍怍

映清齋

迴廊彎似弓齋閣據當中三面全臨水八窗迴俯空近

遙相

去聲

一合上下影相

平聲

同心境於何覓光光映鏡銅

### 益思堂

心思誰則無亦欲求所益益實非一端善惡各殊跡益  
德斯為善益私惡難革設曰何以利損下更成厄絜矩  
率箴規詎寧漫顏額

### 題夏珪西湖柳艇圖

南屏山北湧金西柳色波光望欲迷最是向年得句處

綠陰十里白沙堤

或坐肩輿或泛船西湖春色耐遊沿牽懷不為

去聲

溪山

好親愛民情在眼前

題孫克弘花卉冊

桃花

一般設色紅兼綠遠異徐黃刻畫工却得瑞仙本面目

軒軒霞舉笑東風

宣石菖蒲

甕盆貯水蟲宣石圓植菖蒲九節青誰詰醫師引年法  
居然乃欲進稀苓

梳子

色既絕塵香復柔石欄瓦缶自風流但梳花未梳其貌  
那愧文嗤柳柳州

西府海棠

體格幽閒態自佳撩人春色照庭階飄然仍是齊梁韻  
合著叅軍謝朓懷

朱竹

青牛為石朱為竹便與尋常意匠殊似傲山樵誇筆法

果真鐵網得珊瑚

王蒙畫竹石有題鐵網珊瑚者今入內府

辛夷

玉蘭花白辛夷紫紫者無香白者香底事斯偏稱木筆

辛夷本名木筆而詩人有以詠玉蘭者向題玉蘭曾有却以詩人稱木筆優劣奪席笑辛夷之句然玉蘭寄枝用辛夷未嘗不可通稱也 幸因作塢輞川王

木芙蓉

原來草本却稱木為

去聲

是欲殊水裏花弄影拒霜秋岸

上清標亦未大相差

梅

暗香細細影疎疎不逞昌如祇淡如看到去情得神處

伊人真是雪為居

克弘號雪居

陝甘總督文綬奏新疆屯田詩以誌事

漢代嘉充國屯田稱便始爾時實防邊多有戒心矣今日亦屯田事乃異乎彼西域平定後疆闢二萬里地既

無爭戰土復甚豐美雪山引溝渠水旱均足恃耕作雖

已興地尚有遺利

叶

督臣欲招墾條奏其事體

陝甘總督文綬

奏新疆沃野綿延二萬餘里屯田雖已廣闢而餘地尚  
多必項廣為招徠使地無棄壤民無遺利因條具五事  
一招新疆商賈傭工之人就近認墾以省資送一指  
新疆地名道里情形曉諭戶民以期樂從一嘉喀闕請  
每日辰開酉閉以便商民一烏魯木齊大路數丈請修  
治寬濶以利行旅一安西溝渠應疏濬暢流以益灌溉  
皆為經久要務下大  
學士九卿集議施行  
甘省地既瘠新疆利堪指去歎就  
樂土可廣興耕耔因憶定伊犁樹碑言大旨初謂計未  
得戊寅秋為後勒銘伊犁之碑有屯種萬里之外又未  
可預計之得也云云彼時屯政甫興尚未能必其行



之有效且恐無識者或因以滋議今耕屯日廣歲獲豐盈而待墾之壤沃衍有餘設法招徠使甘省地瘠貧民趨利嚮往樂業安居尤為一舉兩得是皆上天鑒佑貽美利而釋羣疑實始念所未敢期必者也  
何

期忽有此額手謝

天恩悃懃錫厚祉庶幾免指摘詎敢稱欣喜

詣暢春園問

皇太后安遂啟蹕往盤山之作

仲月省耕典著經出應必告謁

慈寧往還十二日為度

康健八旬年祝齡御馬依然一身便易興亦復衆言聽是日

御馬行廿里過中營遂易輿

湯泉別較盤山久紆蹕因教信宿停

麥色

今歲春頗寒昨邇方回暖數日未出郊乍見綠塍滿新  
穎摧菁蔥離披已不短去秋霖潦積濕潤連近遠伏麥  
資發生早薺並易墾乃悟向望雪欲速徒愁慙一弊亦

一利

鴻鈞恩易簡

駐蹕湯泉行宮作

春月宜巡蹕觀耕行令便非遙無卅里堪駐有溫泉浴  
德繹精義濯清守妙詮三年彈指頃沼館祇依然

漱瓊室

石髓淙暄波湧出如湯熟益人同功德每來必沐浴彈  
冠與振衣三閤語義足雖然或異焉大寶箴曾讀察察  
以為明斯豈蒼生福

溫泉行

溫泉實擅地靈奇暖溜暄波誰所為或云流黃孕澤府  
延齡愈疾功用資溫泉之上行宮構華不傷奢樸不陋  
庭前種樹將百年山亦非驪嶺非繡十歲之中一再來  
無過信宿前驅催林丞脩葺守空館嗑然笑此胡為哉

### 隨安室

隨安室是舊書齋佳處題簷數典皆昔易

去聲

今難言已

屢風移俗易

入聲

動成乖後仁必世期猶過順則惟民志

未諧辟勒前詩吟一再不須人議自慙懷

詠鶴

一雙官鶴立琳池待飼長鳴似訴飢因憶吾民災饑後  
向隅求賑豈周知

一峰亭

平地湧一峰雖卑亦犖嶭小亭冠其上獨立聳嶽嶽天  
然自殊勝造作終握齷譬之讀詩集島瘦郊寒若神仙  
自有骨俗子安可學

敦素齋

古齋臨碧溪敦素仰

堯題

示訓誠諄矣推行益慝兮化民德先慚去聲敷教禮難齊  
豈不唐虞企其如世降低

臘梅

臘梅野種去聲到春開磬口黃香傍水隈折取一枝膽瓶  
供相觀都不負斯來

瀾碧軒

溫泉原弗凍况是仲春時映日為澄照因風作碧漪  
曠蒲早茁岸近柳偏垂魚躍湯中樂習安付不知

晚坐言懷

已丑滇南曾用兵元臣親餞禡旗征不堪契濶頻握手

爰藉游觀一散情

已丑二月遣大學士公傅恒赴滇經略軍務餞行後倦念不置因幸盤山

散悶首頓亦駐此地條經三載存歿之感不能已也誰識歸翻成永別斯重至宛  
憶前行離宮晚坐消清漏感慨無端觸緒生

郊行四首

行館無過卅里強吉行弗藉特急忙傳餐視事循常例  
是日五鼓軍營奏章至降  
旨裁酌機宜畢然後啟行  
啓蹕金烏拂曙光

馳馱車裝各趣行往還十二日為程因思減從猶如此  
軍務那能刻忘繁

去年此地潦經過沙坂依然沮洳多却是便宜秋麥好  
菁苧都已發新科

遠村近墅出扶携夾路迎鑒額手齊越覺憐他經歉後  
賑加寧鮮向隅猷



順義縣行宮晚景疊已丑舊作韻

境謐塵氛遠土香地氣融晚陰隱窻白夕靜剔鐙紅  
詠惟遣興觀書得淑躬軒楹縱橫斲未足擬蒿宮

大戴禮稱周時德澤和洽蒿茂大以為宮柱夫蒿縱  
大安可為柱即偶有一二亦不足為四柱也予以為  
蒿者荆棘之類叢生不剪蓋言儉耳此即茅茨土階  
之意好奇之訛一至此乎

夜雪

二月初十日

晚陰雲勢厚心希夜或雪問雪兼問郵

夕陰甚濃冀可作雪兼盼軍營

提奏每更均數問之

近率五更徹假寐旋即醒二更仍未闌司昏

詢如何乃報霏霽屑時密時復疎落地融看瞥卜度庶  
優霑未敢即怡悅

雨中過順義縣

四更氣暖雪為雨破曉細絲灑空宇輟輿就道喜清塵  
如霧如煙迷處所近村遠墅不分明迷離一帶平岡橫  
屢經行處知無是聞鐘悟過狐奴城去年此地被霖潦

下隰依然有泥淖在斯言斯弗雨佳旋思高原原待膏  
叶望晴望雨屬兩難為君難此即一端憑興意不定何  
託郎知潤景生清歡

過白河

白河水自犀奚來潮河灌注赴潞皆去歲秋霖增暴漲  
狂波怒浪騰喧阗因之川狹弗容納侵淫數縣都成災  
免租施賑多方救庶免窮黎溝壑埋即今水勢猶浩瀚  
架橋十倍前茲恢春時水弱已如是踴慮夏秋難當哉

平成無術徒忸怩况敢少懈憂民懷

見新耕者三首

力穡農夫不讓時正當蒸動土膏滋徹犁翻起全濕潤  
潦被秋霖劇苦思

歉餘仍恐誤春田黃牂相將催叱鞭餬口艱還畱麥種  
上  
聲  
一端即此已堪憐

或御輕輿或策馬土香平野慢催行前驅知我勤農意  
一任春疇互力耕

聞京師得雨

閣章隨報雨知時深潤較於斯過之

昨夜順義縣一帶先雨後雪潤不遇

寸餘京師則稱已潤二寸雨勢猶未止云

更不似斯慮沮如一因慰復一因

寅

夜雨

二月十一日

卓午雲欲薄傍晚雲復厚雨弗雨均可盼否辭亦否無

求每遇獲事有如斯偶半夜醒歌枕寒聽隔牖春膏

豈謝頻然吾慮別有即今大田潤周貧不繼富叶願茲

少靳澤三月施斯好叶吐哉望益奢豚蹄自忘醜

雪中過大嶺

夜雨颯然曉釀寒凝為雪片落攢團憑輿大嶺聊東望  
煙際虛無未許看

迷漫中忽覩峻嶒雲棧卻輿榮馬登漫議崎嶇泥滑刺  
鳴鞭直進我猶能

萬林奄靄幻低昂花有精神玉有光似上山頭臨鄧尉  
梅觀雪海祇輸香

駐蹕靜寄山莊作

過嶺林宮駐玉鑿盤山雪景訝初看  
柏松不改春前翠  
楓樞還畱秋後丹  
已喜契神庵窻續  
略慙得句遜巖刊  
本圖靜意於斯寄  
對此翻嗤欲靜難

輕寒韶景勒菲芳  
此乃壺公善者機  
謾謂馳煙由驛路  
猶欣斂霧敞林扉  
蒼紫邇耐窮隱淡  
抹濃粧盡入微  
雖是依然心寄靜  
恐妨耽靜即成非

題延春堂

平坦中隆起書堂構桷椳於斯憩夙夜信可悅心神庭  
植松成蔭盆馱梅絕塵每來率仲月名允副延春

韻松軒

樸軒本非三層樓韻松乃似陶弘景山中何處而無松  
而松之韻斯先領為聲為色總妙高颯颯蒼蒼盡清警  
何必廟堂異巖穴偶寄崇情塵慮屏

泉香亭

引流就下為飛瀑事半其功乃得倍雖有智慧當乘勢



雖有磁基要時待小亭池上正對泉泉香四季霏真宰  
從聞思修色即空不炷而叅觀自在

寫音書屋

泉上兩間屋迴廊踏石登適纔坐亭子瀑音垂峻層躋  
高失飛流晶簾向下聽乃悟色聲幻一切無定形渾灑  
鼓哈呀分別夫豈曾

婉孌草堂

山縈水抱開草堂婉孌數典由香光

室中懸董其昌  
婉孌草堂圖遂以名

之據牀隔歲似昨日泉聲峰態原如常田盤自具太古  
意豈在花紅與柳翠設更求之古人中我覺魏徵特斌  
媚

題董其昌婉嬾草堂圖

香光為我圖婉嬾今日居然坐草堂更覺迴超名象者

石渠寶笈不曾藏

是圖為其昌得意之作以常  
懸山莊故未編入石渠寶笈

對瀑

瀑水當窻見聲奇色亦奇詎云娛視聽真可澹神思琴

筑方斯小煙霞護則宜前年領趣際一刻未移時

盤山雪景十詠

雪峰

地迴霏霏春勒暄森森積素豎峰存萬靈此日雲車肅  
玉笏都朝紫蓋尊

雪嶺

峻嶺橫拖一線稜南坡微化北坡疑雪山設擬參天竺  
此是當前最上乘



雪瀑

尋常擬瀑名為雪今日雪前瀑認真落落蕭蕭一合相  
聲聲色色兩離塵

雪溪

寒溪忽似剡中過冒石縈蒲素色多欲問挈舟相訪者  
姓田人比戴如何

雪松

童童峙嶽復鋪枰積翠凝寒卒未消不可世間形色擬

綠瓊田地觀銀瑤

雪杏

綴幹堆枝結未融  
恰如姑射綻春風  
雲輕略露陽光晃  
濕潤遙看帶點紅

雪寺

招提不見遠聞鐘  
非霧非煙萬嶂封  
遙想山僧煨芋處  
地鑪火熟契何宗

雪村

新禽且歇未牛藏屋上全遮茅草黃高掛青帘待沽客  
板橋跡更白於霜

雪閣

乍看明皎乍模糊閣上風來玉屑鋪面面山光都一色  
倩誰分解四家圖

雪亭

空空四柱受虛宜上下相縈左右披意想更誰摹擬得  
水難洗水恰言斯

晚晴

兩雪既已足晚晴良復佳  
高臺擘雲匡積素栖松釵遊  
覽適可歇延春堂名憩夕齋  
遠聽瀑泉聲增脈激喧逐雖  
喧無礙靜為去聲是山中來

對月

松梢上山月溶溶欲就圓  
況經新雪後輪皎出浴然清  
景萃於茲入懷諸慮蠲蠲之  
不能盡塵念在農田潤澤  
固為佳舍凍斯過焉一利伏  
一弊萬事難得全

靜夜吟四疊舊作韻

盤谷竊而深  
天空散晚陰  
月懸太古鏡  
泉操不絃琴  
良夜值仙境  
虛堂契靜音  
拈吟兼即景  
仍是昔年心

晚

東方欲生明  
簷間瓦雀喧  
披衣問章奏  
晏起古戒曉  
日昇滄涼須  
臾漸溫暾  
高峰餘積素  
陽阿融濕原  
田盤對雪霽  
始遇難具論  
所喜在青郊  
弗虞傷麥根

題舍遠樓



一峰之上築高樓樓上開窻望無際雖然無際亦有窮  
豈若心含遠難計縱橫寰宇逮九州上下古今維百世  
久安長治何以圖家給人足何以惠詎惟登山玩景哉  
思義顧名愧恒繼

引勝軒疊庚寅詩韻

紙窻糊玻璃山景堪供允巖松擎老幹埭竹抽新笋朝  
嵐與暮靄無定中有準神象謝端倪妙理那窮盡誰云  
隔年來此勝心恒引

舊作忽思弗此恐斯  
勝付誰引茲反其意

接要樓口號

佳景紛披應無暇就中取要接其奇梁家名蹟觀大略

梁清標鑒藏書畫率無題識惟鈐用觀其大略小印一方是我常嗤今踵之

詠清音齋前雙古栢

庭前雙栢似排衙却不鳴梢逕入花或步或輿間有趣  
為聲為色靜無加以言泉石猶斯遜了過筑琴漫彼誇  
颯沓春風來座上耳根忘處對槎枒

題澹懷堂

佳境又殊昔名山不厭春邦懷惟是澹觸目總無塵巖  
壑賞今趣詩書晤古人雖然敢耽靜問政亦頻頻

雲起閣

雲起何從起閣虛心並虛未曾移石動雅愛傍峰如寫  
淡還依棟入深亦潤裾雪融不殊雨知節利新畬

石林精舍

精舍藏石林尋勝遠弗見盡歷崑崙艱到來忽覩面蚤  
窻憑迴虛巖壑畢呈現有如飢咀豆齊陳青玉案取之

金  
卷三  
實不竭應之翻覺倦舍中供大士如是法輪轉

雨花室

雪後山陰積素寒紙窗藤榻對千巒空空不見天花落  
誰復其間叩兩端

題金廷標畫

水月中含梅影疎逋翁兩句寫無餘誰知一向深山闕

慘澹精神重

去聲晤予

山行雜詠三首

雪景尋常遇田盤遇乃初陰崖銀氣合陽巘紫煙舒畫  
趣無過此詩情足起予南臨薊野濶指日有興鋤

日照羣峯朗迷離復泛填竹風動幽籟松旭烘去聲晴煙

石潤貯明水礪融增暗泉近千盤谷句曾鮮類斯篇

突出無根石砌成有穴山苔常延棧徑雲為闌林闕已  
愜春疇望況乘幾務閒斜陽落西嶺松塢得言還

夜陰口號

問驛夜醒報夜陰雪融春澤即春霖恐滋沮如思晴好

自笑曾無一定心

閱本

閣章及部摺間日一馳呈敢謂尋常事都闕治亂情民  
惟塵惻隱吏不在精明政典經常具作聰戒變更

京師奏報得雨三寸詩以誌慰

春膏三寸獲原稀孰謂其然逼近畿知有趁時禾種

上聲

佈更無慮凍麥苗微却緣閱久畏滋甚那敢先秋望庶  
幾豈不披章生慰念更虞慰念便成非

河南巡撫何燭摺奏望雨情形因成是什

豫疆誠以麥為秋雨雪頻逢總欠優

何燭奏豫省入春以來雖連得雨雪

仍未普遍惟南陽汝寧二府汝光二州現已透足歸德河南陳許四府州次之其餘各屬尚在望澤若月內即得膏澍通省可冀豐收因批令一得普霑迅速馳奏十日指期縱可待寸心緒遠劇因愁欲移

此就亟需彼

近畿於月之十二日密雪半日隨落隨融於春田自為有益但經潦之區地氣濕潤尚非迫不及待

若再雨致沮和轉恐有誤春耕設移此有餘以補中州之不足不兩慊所願乎望已奢虞不易酬批尾叮嚀無絮語一霑膏澤速馳郵

遊古中盤雜詠

瞭甲石傍西北門出門策馬問祇園已誠減從猶清蹕  
松下排衙豈戲言

路轉峯迴轉益奇風流得在不經思譬如韓杜詩文集  
一攬誰能遍識之

風吹飛雪涼打帽石隱卧松蒼拂鞭似是林闕不容騎  
忽通一線可緣前

步與石磴拾梯登歷歷前遊憶昨曾置却去來今未得  
祇應調御丈夫能



坐槃阿精舍復成長歌誌興

曉雲欲散曦光放，弗暄弗寒氣和。盎昨已傳宣遊中盤，

石棧跋驄興

去聲

言暢鬱蔥小步入，右松搖剛迎面排雄。

嶂陰巔積雪色浮，涼瀑水結冰波底漾。磴道千轉至招

提，下馬易輿徑上。躋石梯百級，懶步屨笑我而今何怯。

兮侍衛前後互扶擁，陟高易似行平低。已逸人勞詎弗

念世事有齊有不齊，爲門爲室夙所識。一禮能仁萬慮

息，禪僧相對不言禪。禪亦不離空，與色即色即空。瀑淪

漣非空非色山崩劣崩劣淪漣萬古斯安用九年面巖  
壁超然妙蒼盤之阿東首精舍棲岷峨窗納秀試俯  
望青紫紫邏紛駢羅數來此數有奇會亦不知其來從  
何但覺陡崖千仞處惜哉山骨鏤增多

少林寺

少林元代寺

盤山誌稱此寺舊為法興寺至元中易名棲雲觀至正中又賜額曰北少林寺其云

北者想對嵩山少林寺而言但寺內並無舊碑可考數典自嵩山是日乘遊興因  
之一叩闕庭松聽佛偈野鳥共僧閒小別石橋過猶閒

澗水潺

千尺雪

春山半晌小遊迴  
下馬溪齋崖畔開  
差事中人熟伺候  
浮香漉雪早擎來

雪飛千尺計猶強  
跡涉田疇水亦香  
設與寒山相較量  
兜孫當得視宦光

題唐寅品茶圖

著壁唐家試茗圖  
每來題句不教孤  
伊人設起當前問

掉首應云有是乎

半天樓

肩輿陟西嶺高樓仰半天適纔坐少林憑窗低俯看高  
低豈有定俯仰祇隨緣誰能弗拘墟可與言逃禪颯然  
掃置風嫵此語涉詮

效深室

峯尖疑致窄有雲與為深瀚瀚濛濛間跬步不易尋濕  
潤霓衣裳澹蕩愜神心聾然忽豁開座底數

上聲

萬岑

膳蒲

戟戟蒲根出水涯  
醢人昌歆早呈之  
嘗新一晌塵民計  
又是瞻斯課種時

降旨緩徵去歲被水州縣中之不成灾村莊詩以誌事

夏諺度休助所重  
春省耕體貼小民艱  
尚有待施行譬之一郡內高下本不平  
下者被水澇高者原收成有司  
細勘灾一定遵章程澇則議蠲  
賑收則當輸征不能為

權宜均俾官租停然予為之思總在一郡并左右及前  
後皆災那獨亨閭里貴任卹緩急相通情衆寔一必寔  
催科安可仍降旨廿四郡宛平涿州等二十四州縣瀕  
河村莊被災八分以上業已  
屢加撫卹蠲免並展賑期其中毗連地畝勘不成災者  
例不能一體邀恩因思災地既在八分以上其不成災  
村莊雖屬有收而左右前後閭里緩急相通事所必有  
苦照例徵輸未免拮据因降旨緩至本年秋成後徵收  
以紓民力概待秋後徵所以紓民力惟有竭吾誠

復陰口號

一需亦復生雲易事半倍功有昔談却此無需重繼富

希移膏澤到河南

遊天成寺

盤山不到到必來緣是佳兮復靜哉一水愛他洗澗落  
兩峯為我擘雲開禪松弗改千古色慧草都無半點埃  
萬物天成寧獨此金仙趺坐不言該

萬松寺二首一韻

青環紫邏列羣峯石磴盤紆歷幾重最是禪枝無揀擇  
如何竺院獨歸松

可是德雲見別峯無須點到較量重金仙一例來不拒  
座下常看拜赤松

青峯寺

山陰知復隱青峯線棧縈紆歷幾重石不動根雲亦起  
礪雖經夏雪猶封洗心適有千尺瀑尚友無非太古松  
小坐炷香領淨妙還臨法藏晤盤龍

法藏寺盤龍松  
為田盤最古餘

詠法藏寺盤龍松

法藏盤龍何處尋石牆東畔翠森森腰撐濤泛旬旬響



鬣擘雲翻慘淡陰閱古依然閱今體在田不屑在天心  
何當九夏其根坐擺脫塵情獨朗吟

望雲罩寺未至二首一韻

招提猶在萬峯巔塔影遙瞻一筍然為是雲容將作雪  
且迴登眺待他年

寺樓曾坐俯層巔縱即重臨亦祇然太古以來便有此  
向人豈復計時年

西甘澗

迴馬下高層澗猶天半憑幾間破壞屋一盞滅明鐙何  
不可稱寺依然有住僧愛他饒本色弗謂法門興

東甘澗

一嶺隔西東由來甘澗同普門示變相古殿映真空誰  
復疊餅汲斯焉機境融庭松能聽法不擬問天童

山中雪景

遊罷春山歇馬鞍園門入值雪花攢多人既不苦泥滑

素景便宜此重

去聲看

園中亦復有崇山緩步肩與嵒巘間綴樹已成銀錯落  
入溪還寫玉潺湲

憑空剪水結為花姑射孤山定不差解與花朝助寥寂

酬予創見待重誇

盤山雪景此次實為創見故近作有  
田盤遇乃初之句茲再遇之豈山靈

有意復

徵詠乎

### 貯清書屋

萬石砢砢因成山山中築屋石包屋石當屋中不能去  
屋即包石石即伏若內若外若主賓難與分疏辨炙轂

貯來清氣欲逼人不移雲根雲自足

受宜居

易象曾云虛受人子與萬物備吾身外王內聖無多術  
宜是山居特示津

題鄒一桂杏花

是日  
花朝

漫惜花朝花未發受宜居裏見斯枝  
審看原是春卿畫  
却有香風拂拂吹

精神昨纔

去聲

御園別

鄒一桂於上年冬來京叩祝  
慈壽月初陞辭南歸於御園召見

喜其精神  
尚能如舊  
丰采今還  
盤谷逢孰  
假孰真孰  
離合畫禪  
孰

### 解悟南宗

#### 花朝作歌

田盤幾度遇花朝  
無花有花皆屢遇  
有花每惜花成塵  
無花不礙花藏趣  
然猶有無中較量  
未若今朝雪景助  
萬峯都以玉為英  
千林普放朶惟素  
乃知天花勝凡花  
是即維摩說法處

#### 延春堂對雪

前朝大嶺雪迷離到茲漸止實積素已欣創見有是哉  
萬壑千巖景爭赴今日遊山冒輕雲情知欲雪迴中路  
入園乍覺灑霏微憩堂旋益紛布護奇松俱撐白繖蓋  
喬峯半隱青瑤璐雲罩乃在天以外時晦時明時顯露  
山靈喜欲效奇觀徵我長言此其故箇間詩債宿經償  
一節餘斯容可負雖然我更有後言春令發生喜和煦  
雪大將必醖嚴寒乎甲紐芽寧不誤即景拈辭亦奚要  
要在勤勞重民務

喜晴

春雪如春雨慮少弗慮多所以於晴霽惜恒喜鮮哦茲

乃吟喜晴況在盤之阿陽光平原融素色高峰羅林表

漾霽暉玉筍間

去聲

黛螺既不礙農務於焉品畫科黃鼎

畫入神

向題黃鼎羣峯雪霽圖有突出氣韻全以神包涵之句茲以真景擬之其神妙更有摹繪所不

速者斯實超神過

題錢維城畫幀

松湍響雪

金月山房詩集卷三  
茅屋臨泉上蔭松松泉應答謾而淙豈如此日憑軒牖  
面目真教雪響逢

花港春晴

田盤沙水率滲漏假借貯之港亦成春令適寒花未放  
恰思前歲對花晴

疊嶂迴谿

一峰一曲一谿迴率有僧庵倚石開蓄矣心中絕佳處  
當前印證得斯來



山深閣靜

青紫紫抱致幽深巖下為齋溪復臨却有板橋相訪客  
無端那便喜登音

霜林初染

白露為霜秋曉時染成幾葉上楓枝臨崖亭子無人坐  
應待拈吟杜牧之

虛亭與籟

遠山一燈望中深喬木幾株秀以森籟滿虛亭趣誰會

金匱山房集卷三  
依稀津逮有雲林

竹梧高館

竹間梧下草堂清  
策杖幽人橋上行  
童子抱琴隨後返  
過溪應為寫松聲

雲屏澗筑

侍臣畫冊石渠富  
此置山莊伴闕清  
邂逅題詞興偏逸  
雲屏澗筑證形聲

再題泉香亭

雪泉昨日聽晴泉今日對泉流  
本自一晴雪乃殊態原  
在人心  
中喜則覺可愛  
淪漣映日輝  
晶簾隔壁掛  
箇裏  
有真香不得以鼻會

晴瀑

瀑自萬古落那知陰與晴  
一致而百慮惟是緣情生  
石  
帶雪餘寒水網曦  
益晶茲所對又殊喜在宜農耕

題董邦達林壑積素圖

草堂婉孌黏白壁

圖即張此堂中

一脈香光證不遙  
更映林壑

真積素乍看氣韻若相招日烘已自露珠綴風拂還疑  
冰片飄來往頻年缺題句直留空去聲處待今朝

坐千尺雪烹茶作

千尺雪原擬議名名實畢竟難相爭譬如顛翁臨大令  
真者在前終不成昨於泉上已喜雪今乃泉上更喜晴  
汲泉便拾松枝煮収雪亦就竹鑪烹泉水終弗如雪水  
以來天上潔且輕

水以輕者爲上曾製銀斗  
量之詳見天下第一泉記

高下品誠

定乎此惜未質之陸羽經

留雲室戲成口號

英英若為

去聲

早安排。寫棟露衣蔚滿齋。却是無心出岫

物。亦將此地應官差。

題崔彥輔溪山煙靄再疊前韻

一溪春水俯澄空。積素千峰照影同。淡靄輕煙相映帶。  
是虛是實爾能工。

心鏡齋

池上軒齋樸以清。因之心鏡得為名。設無心則應無照。

不有鏡斯那有呈何況喻言更千里了當忘物泯諸情  
一泓乃具甚深義風自成漪月自明

滌文榭

滌風練影似流雲無色聲天迥出羣却笑栢林吳道子

強生分別武和文

趙州栢林寺殿碑左右有吳道子畫文水武水各一庚午巡幸憩坐曾題

詩以記並與危從

臣禁體聯句

御製詩四集卷三